

治隱集

合部



國朝詩刪

五言絕句

楓岳成石

一萬二千峯
高低自不同

君看日輪上
高處最先紅

偶題柳方

結薪仍補屋
種竹故為林

吳少山中
年二獨自和

治隱先生言行拾遺目錄

卷上

世係

遺像

遺像贊

年譜

先生遺詩

述志

泮宮偶吟

足夢中聯句

白卷一

治陳言未指遺目録

閑居

偶吟二首

無題

謝監司南龜卷送酒

先生遺文

山家序

後山家序

附

辭太常博士箋

又辭箋

上宰相啓

行狀

卷中

請追贈箋

追贈牒

賜祭議

三綱竹實

輿地勝覽

彝尊錄語

慵齋叢話

續蒙求

對詔使問

大學生疏語

善山請建書院文

請建書院牒

吳山書院事蹟略

祭文

賜祭文

又賜祭文

李甫欽祭文

孫舜孝祭文二首

金烏書院奉安文

金烏書院享祀文

又享祀文

祠堂重修還安文

改鑿墓標文

吳山書院奉安文

吳山書院享祀文

尹根壽祭墓文

祠堂重修奉安文

吳山書院重修奉安文

卷下

讀詠諸詩并序

七言律詩一首

七言絕句三首

次韻三首

次韻四首并序

次韻一首

次韻一首

次韻二首

次韻一首

次韻一首

次韻一首

次韻一首

次韻一首

次韻一首

次韻一首

次韻二首

次韻一首

次韻一首

次韻一首

七言絕句一首

次韻一首

次韻一首

五言律詩一首

次韻一首

次韻一首

次韻一首

次韻一首

次韻一首

次韻一首

次韻一首

次韻一首

又五言律詩一首

次韻一首

次韻一首

次韻一首

次韻一首

次韻一首

次韻二首

次韻一首

次韻一首

七言律詩一首

次韻一首

次韻一首

又五言律詩一首

五言古詩一首

七言古詩一首

五言古詩一首

五言古詩一首

金烏山賦

三綱竹實絕句二首

七言絕句一首

七言絕句一首

七言律詩一首

七言律詩一首

絕句三首

祠堂壁上贊

砥柱碑陰記

祠堂重修記

治隱先生言行拾遺目錄

行錄初刊跋

治隱先生言行拾遺目錄畢

治隱先生言行拾遺卷上

世係

吉時遇

成均生員

子甫

散員同正

子元進

中正大夫知鄧州事
娶宛山金氏

子再

高麗門下注書
娶錦州申氏

本海平

子文 生員

遺像

此像言行遺像上



遺像贊

遺像贊

梅軒權遇

人固有道挺生者稀惟我吉公其殆庶幾珪組
之榮斧鉞之威視如浮雲高蹈而歸桑梓十畝
茅屋柴扉圖書一室巍冠裋衣噫周德之如天
兮不問西山之采薇暨漢柞之中興兮亦放羊
裘於釣磯雖迄今千餘載兮信此心此理之無

道

年譜

年譜

至正十三年癸巳先生生于善山鳳溪望
至正二十年庚子先生年八歲有石鼈歌

至正二十二年壬寅先生年十一始學于冷山純

李寺

洪武元年戊申先生年十六有述志絕句

洪武三年庚戌先生年十八就朴貴讀論孟等書

覲父于京師遊牧隱圃隱陽村諸先生之門始

聞性理之論

洪武七年甲寅先生年二十二中生負試

洪武十六年癸亥先生年三十一中司馬監試娶

中郎將申勉之女

洪武十七年甲子先生年三十二丁外憂

洪武十九年丙寅先生年三十四服闋中進士補

清州牧司錄不赴

洪武二十年丁卯先生年三十五拜成均學正

洪武二十一年戊辰先生年三十六遷諄諄博士

冬陞成均博士國家攻遼東先生在泮宮有絕

句時太學諸生及播紳子弟爭樞衣請益

洪武二十二年己巳先生年三十七拜從事郎門

下注書

洪武二十三年庚午先生年三十八棄官歸養

洪武二十四年辛未先生年三十九除雞林安邊

教授皆不赴開驪興計方喪三年

洪武二十五年壬申先生年四十是歲高麗亡

洪武二十八年乙亥先生年四十三郡事鄭以吾

昇梧桐閣田以資養遠近學徒四集

建文二年庚辰先生年四十八被召不起督令

入京授太常博士上箋辭優禮遣還

建文四年壬午先生年五十一內憂長子師文死

製斬衰服

永樂元年癸未先生年五十一南龜菴賦詩以贈

諸公賡之郡事卒擢移歸栗谷園田監司南公

為營家廟先生仍營廬以為永居

永樂二年甲申先生年五十二服闋

永樂三年乙酉先生年五十三權陽村序諸公詩
永樂七年己丑先生年五十七陽村卒心喪三年
是歲按文書得外舅給奴婢案去之

永樂十一年癸巳先生年六十一又辭表兄僧雪
幢奴而還之

永樂十二年甲午先生年六十二外舅申公勉卒
服緦麻是年先生憂父墳樵兀就而廬之

永樂十三年乙未先生年六十三出臧獲田土作

文案屬祠堂

永樂十五年丁酉先生年六十五朴貴卒心喪三年又有季妹喪

永樂十六年戊戌先生年六十六子師舜被召拜辭先生有教勉語

永樂十七年己亥先生年六十七四月十二日卒師舜未還遺命壻李孝誠行喪一依文公家禮永樂十八年庚子正月十三日葬于金烏山東洛江之西烏浦之原距仁同縣十四里

先生遺詩

述志

七言

述志

臨溪茅屋獨閑居
月白風清興有餘
外客不來山鳥語
移床竹塢卧看書

泮宮偶吟

龍首正東傾短牆
水芹田畔有垂楊
身雖從衆無奇特
志則夷齊餓首陽

足夢中聯句

古今僚友身新變
天地江山是故人
太極真君應許我
仁心不老自青春

閑居

盤手清泉冷臨身茂樹高冠童來問字聊可與道
遙

偶吟

竹色春秋堅節義溪流日夜洗貪婪心源瑩靜無
塵態從此方知道味甘

又

五更殘月窓前白十里松風枕上清富貴多勞貧
賤苦隱居滋味與誰評

無題

曾讀前書笑古今愧隨流俗共浮沉終期直道扶

七言四韻

元氣肯為虛名役片心默坐野禽啼晝景閉門官
柳長春陰人間事了須先退不待霜毛漸滿簪

謝監司南龜菴送酒

五湖仙藥到柴荆顛倒開絨手自傾病骨勝酣回
壯骨衰情得醉返風情家貧野蔬恐作盛三豆市
遠村醪真一瓶欲謝却嫌無謝地但將蠅手祝遐
齡

先生遺文

山家序

失幼而學之壯而行之古之道也是以古今之人

山家序

莫不有學焉若夫高蹈遠引潔身亂倫豈君子之所欲哉然世既有人則有如顏子陋巷自樂者焉時有不合則有如太公隱處海濱者焉然則其釣其耕詎敢譏哉余以至正之中卜宅于茲於今十餘年矣俗客不至塵事未聽伴我者山僧也識我者江鳥也忘名利之榮勞任太守之存亡慵則晝眠樂則吟哦但見日月之往來川流之不息有朋訪我則掃塵榻以待之庸流扣門則有下床而接之可以見君子和而不流之氣象也觀夫衆岫森列群峯嵯峨我恠石奇巖幽鳥異獸松風蘿月鶴唳

山家序

猿啼山寒欲秋月淡將夕於斯時也寒心爽志想
其神禹奠高山之功也江風不起波濤不興蕩蕩
洋洋浩浩湯湯白鷗錦鱗悠然而逝商帆相望漁
歌互答於斯時也掉頭浪吟想其神禹治洪水之
功也泉水淵淵可以療渴河水浼浼可以濯纓若
夫有酒醕我無酒酤我獨酌獨飲自唱自舞山鳥
是我歌朋也簷燕是我舞雙也登高望遠則想吾
夫子登泰山之氣衆臨流賦詩則學吾夫子在川
上之咏嘆飄風不起容膝易安明月臨庭獨步徐
行簷雨浪浪或高枕而成夢山雪飄飄或烹茶而

自酌茗乃春日暄妍禽鳥和鳴草樹菲菲採繁祈
祈楊柳絮飄桃李花開携其一二同志浴乎沂風
于舞雩或以蒼鷹猛犬騎白馬而鼓金鑊或以綠
蟻嘉肴策黎杖而趁花竹夏日薰蒸暑炎逼人則
駕雲帆歸江湖薄暮微涼疎雨散絲則荷耒鋤歸
田園至於秋霖初霽酷熱已解百稻皆熟鱸魚初
肥偏坐漁舟直下絲綸從流而下溯流而上蘆花
索索菰風細細煙雨明滅雲水汪洋浩蕩萬里其
誰能馴又其風雪打窓冬氣慄烈或擁爐而開酒
甕或開卷而事天君卓乎無邊而從容自樂者豈

山家序

非隱者之所樂哉然所樂豈在是與箇中之樂吁
其微矣哉有客來告於余曰今余到此氣象千萬
子於此而澗於事情者也今又一循乎外而出入
起居惟意所適出則釣于江耕于歷以承順父母
入則講其書樂其道以尚于古疑作尚然則真無
憂者也余應之曰何以無憂乎君廟堂之上則憂
其民處江湖之遠則憂其君我則憂其民憂其君
尋自反之曰樂天知命我何憂乎客忘言而退

先生生於至正癸巳至洪武元年戊申則年十
六矣此序曰以至正之中卜宅于茲則卜宅
之時先生之年蓋不過十五六之間所謂臨溪
茅屋獨閑居者正謂此也且甲寅中生負歲年

後山家序

後山家序

二十二癸亥中司馬監試年三十一丙寅中進士及第年三十四此序曰卜宅于茲於今十餘年云則此序之作蓋在三十年来仕之前矣

天之生民莫不厚焉或為君子而貴或為小人而賤何也貴而為貴賤而為賤理之常也或貴而賤或賤而貴命之然也自占公卿之子生長富貴車馬足以代馳涉之艱難使令足以息四體之勤勞養而有無珍之膳衣而有寒暖之宜既生而君知之既長而君命之祿秩之厚不期而至官爵之貴自然而加其知之也如此其易其貴之也如此其

足此無他祖宗積累之勲豫養之恩故也庶人之
子生長草萊霑體塗足衣不足以掩其身食不足
以養其體迫寒餓死疫精極神動心忍性其功業
之著而後有司知之有司知之而後朝廷聞之朝
廷聞之而後君用之其知之也如此其難其達之
也如此其遲此無他功業始基於一身無積累之
漸豫養之恩故也况愚也生長農畝賤而莫賤微
而莫微年纔八九葉山牧羊年既長矣朝耕夜讀
螢窗十年寒衣蔬食自若也畎畝治耨霑體塗足
亦自若也但以竭力耕田馳心經學下以養親上

後山家
序

以事君養親則底豫其親事君則堯舜其君納民
於唐虞躋世於三代此余平日所志也今也不幸
逢天之憾十年之功掃地如也嗚呼天實為之謂
之何哉於是彷徨憾慨翻然改圖莫若隱然自晦
掛冠籬月吟嘯清風俯仰二儀之間逍遙一世之
上不受當時之責永保性命之正如是則可以凌
霄漢出宇宙之外豈羨千駟萬鍾之富貴乎

此序曰今也不幸逢天之憾又曰莫若隱然
自晦云則此序之作正在致仕隱居之後矣

附

辭太常博士箋

辭太常
博士箋

殘生險釁已退鄉閭 寵渥殊優復沾朝秩顧僭
踰之已甚可冒昧以敢當遂以力辭期於 額可
竊觀古人之跡皆患遭遇之難不事王侯豈所以
沽節罔為臣僕非徒以亂倫實闕出處之宜庶有
名教之報補作伏念臣性資昏蔽門地孤寒竊捷
科於前朝而歷職於門下既乃為臣而委質固當
戮力而盡忠丁偽宗覆亡之時既不能捐軀畫邑
及 真主奮興之後又不能辭粟首陽名義以之
俱淪清節自茲兼撓所宜加一戮於微命將以愧
二心之人臣豈意亡國之賤俘獲需 盛朝之優

渥既惠之以首領又耀之以衣冠 天語丁寧特
頒駟 召之寵官資清顯遽陞太常之班是宜盡
瘁乎餘生庶幾少酬乎 鴻造顧思進退之行止
實係名教之重輕臣雖厚顏而冒榮人必瞋目而
拊笑伏望 離明曲照乾造無私憐臣不獲之忠
諒臣難奪之志復還古里俾保殘齡則上遂獎節
之名下得事君之義謹當棲遲幽壑沐浴 恩波
地久天長倍祝無疆之壽夙興夜寐益殫不二之
心

又辭箋

辭太常

博士箋

誤恩下逮俾綴華聯遜牘上陳冀回成命庶賜
額肯庸示包容竊以聖人之用才當責其賢否之
實忠臣之事主必度其進退之宜故上無濫用之
譏而下免苟進之誚一失此道兩乖其方如臣性
稟迂愚志操凡下既無異能之器敢言諒直之資
幸筮仕於前朝已登通籍逮投閑於散地欲保餘
齡愛久絕於雲霄盟已深於林壑義輪東出適萬
民之仰瞻漢光中興為嚴公而垂召身纔及於
北闕班已躋於太常夫何亡國之賤俘獲沾盛
朝之優渥感恩則有反躬何安竊誦王蠲之言

上宰相啓

雖非余望試觀伶伯之表實獲我心縱然 睿澤
之殊優胡可覲顏而貪冒况此太常之重職尤非
賤品之叨居伏望 俯垂淵聰洞照愚懇 回乾
坤之曲澤垂雨露之鴻波謹當不事二姓非敢激
節義之名自適一丘廢少酬逍遙之志

上宰相啓

五百年王侯作拔茅彙征者若風從虎而雲從龍
一千載河海清藏踪秘跡者如鳥喜山而魚喜水
或出或處之殊趣有進有退之異途夫豈惡嘉會
而好隱淪尚何厭膏粱而甘蔬食讀聖賢書所學

何事子死孝而臣死忠履古今禮為抱非他常蹈
仁而變蹈節儻事甲而移乙實襟馬而裾牛夜變
星稀而獨長庚之昭昭山空葉落而惟老栢之凜
凜光四表格上下箕水之洗耳猶存綏萬邦奠乾
坤者陽之採蔽尚在何慙懋字時而好遜豈釣名
而致譽只守一冊之恍以激萬乘之怒商淪喪罔
為僕歷歷五十八之誓謨身之死矣靡他班班三
百一之風雅威武焉能屈富貴何足移而所天之
云亡肯微軀之顧惜如再喪家之狗止國之奴網
天地而無逃安能北走胡而南走越休林莽而同

上宰相
啓

顯固將東入海而西入河何意高麗之微臣遽奉
卑辭之清詔欲變一介而即命深恥二心之
苟容踰牆不恭恒奏二牛之畫開門非禮何憚百
拜之辭忠不能圖存於舊君智安能篤裴於新
主名忝故國榮極注書身逸今辰閑伴堯豎送生
涯於綠野寄身世於白鷗鳥之山萬丈長可以望
落日之歸鳥鳳一作錦之水千里帶于以臨暮景之
游魚分已定於雲山畫豈宜於廟貌餐栗里之黃
菊恐見寄奴茹商山之紫芝疑逢漢使心不銳於
輔世罔應虞人之招志無改於枕山何損聖君

之德舉逸民揚側陋雖王公招徠之方置散人遺
支離亦相臣精掄之策大邦濟世民物再新麗室
逋臣只欠一死豈期項伯之姻婭詎圖李密之陳
情夢昔日之故鄉拜嚴顏於彷彿遺後代之孤躅
激鄙夫之依阿雖亡國之賤俘補開創之風教在
犬馬而戀主矧人臣而忘君伏惟宰相忠厚弼中
英華彪外開國偉烈足以銘彝鼎而被絃歌尊主
精忠庶乎沮背字而贊夜帶持身則臨淵戰戰遇
事則游习恢恢望重南金天子之所與為善名高
北斗小民之所依而生一人倚以阿衡四方指以

柱石經綸大手鑄斯世於唐虞黼黻嘉猷納是君
於湯武引君當道招賢以忠願鑑由中之誠更燭
未死之懇特垂呂望之救俾遂夷齊之衷並遊鹿
豕而沒齒無怨言同腐草木而甘心從所好一石
何補於泰岳勺水寧加於長河投閑置散則血泣
追愆束縛馳驟則尚寐無覺幸小補於臣節縱大
戮而何憐身世未逃周家之春秋心上尚記殷邦
之甲子割肝瀝血達情懷於相公明目回心降寬
赦於殘喘培養一時之元氣特振萬代之忠心豈
徒逋臣之幸乎抑亦國體之得矣自從國破無意

上宰相

啓

我生更進枋得之葵䟽未遂天祥之就死所以然
者三尺微命一介書生早事詩書稍知禮義惟忠
惟孝自許平生之指南宜民宜人預期行身之正
路那知筮仕之始反遭流亡之殃故國月寒良材
化為桃李空山風亂梧櫟翻成櫟櫟五百年士氣
掃如千萬世人笑可恥茲逃身命少答英靈長吟
麥穗之歌每發黍離之嘆空洒王蠋之淚恒攬龔
勝之懷登臨烏山想故國大平之驢理彷徨鵠嶺
念昔日藝祖之儀刑第恨前朝之微臣難為後日
之高標此仁人君子之情恕亦鄙夫庸生之敢知

伏望俯照愚衷仰達

天聽俾令

疑全

萬夫之一

克正三綱之原增長有義之骸誘致見危之命為人臣止於忠也我守我節而不虧有謀猷則入告焉公知公道而莫負雖不為疾風之勁草庶以為歲寒之後凋頭戴一天心懷全節自放於窮山曠野疇非相府之推恩固守乎鐵腸金肝亦是大人之見貸枕乎山棲乎水恒不弛曩時之懷聞其風知其圖永無忘此日之救

右三篇世傳以為先生所製而或以為後人擬製姑附于此以俟知者且第二箋在魚咸從遺葉中尤可疑也

行狀

行狀

先生姓吉諱再字再父號治隱或稱金烏山人慶尚道善山府屬縣海平人也曾祖成均生貞時遇祖散員同正甫考中正大夫知錦州事元進元進娶兔山士族追封版圖判書金希迪之女至正十三年癸巳生先生于善山鳳溪里先生為孩清瘦性穎悟元進往仕于京在舊廬隨母養焉甫八歲元進為寶城大判母金氏赴之以祿薄艱食屬外家而去先生既別母慕而號泣一日獨遊南溪偶得石鼈歌之曰鼈乎鼈乎

汝亦失母乎吾亦失母矣吾知其烹汝食之汝
之失母猶我也是以放汝因投于水號泣甚哀
隣嫗視而泣告之希迪與其妻哀相泣隣里男
女聞者皆來抱而感涕鄉中父老異之咸曰不
意問巷有寧馨兒元進既解任之京金氏還于
舊居先生遂得子兒之聚承養焉年十有一始
學于冷山桃李寺稍解作字聯詩年十六作詩
曰臨溪茅屋獨閑居月白風清興有餘外客不
來山鳥語移床竹鳴卧看書蓋述其志願也自
是好讀書負笈尋師不憚遠險是時元進遊宦

行狀

松都又娶檢校軍器監盧英之女遂與先生之
母音耗漸疎因以致怨先生說母曰婦之於夫
子之於親雖有不義不可少有非之之心人倫
之變古昔聖人亦不免但處之以正以待天定
而已余蒙母慈以至成立今母之怨非所以慈
余也金氏聞而感之終不出怨言歲庚戌就商
山司錄朴賁衙讀論孟等書始聞性理之學先
生隨寡母貧無騎從一日辭于母曰有父不覲
非人子也即隨朴司錄或騎或步至于京事父
至孝盧氏初不知性孝或有不慈之言先生起

敬起孝盧氏感之待之如所生子隣里咸曰誠
孝子也因遊牧隱圃隱陽村諸先生之門始聞
至論歲甲寅入國子監中生負試二十三名癸
亥中司馬監試第四名自是學益就道益明日
遊陽村門陽村語人曰踵余門而承學者有幾
言再父其獨步也時元進為錦州知事先生遂
歸覲娶中郎將申勉之女先生本清貧申家有
藏獲錢穀之饒人稱富家申氏以季女得鉅愛
性度異常一與合卺忘其驕富遵奉法制惟先
生是從化為柔順婦人甲子夏元進卒于官先

行狀

生與申氏盡哀遵聖制終三年丙寅入禮園中
進士第六名秋補清州牧司錄不赴是時我
國家未受命今我 太上殿下在潛邸入學讀
書先生以同里閑相從講磨情意甚款丁卯授
成均學正戊辰遷諄誘博士冬陞成均博士當
是時仕于公大學諸生退于私搢紳子弟侍先
生所在爭樞衣請益是年國家政遷東先生作
詩曰龍首正東傾短牆水芹田畔有垂楊身雖
從衆無竒特志則夷齊餓首陽已巳拜門下注
書庚午春知國之將亡辭以老母棄官歸道經

長湍縣就牧隱所居告其志牧隱對以丁寧作
詩贈之其末句云軒冕儻來非所急飛鴻一箇
在冥冥先生還善山舊廬遂晦跡林泉欲終身
焉夢有一僧唱一句古今僚友身新變先主和
之曰天地紅山是故人先生覺而卒成一聯曰
太極真君應許我仁心不老自青春辛未春除
雞林府教授不赴秋除安邊亦不赴是年間驪
興凶計不食菜果醯醬方喪三年時母年六十
有奇晨昏定省奉養有勤夜披衾朝歛枕躬自
為之妻孥欲代之先生曰吾母老矣後日雖欲

行狀

為母為此不可得也申氏效其志雖自奉甚薄而朝夕之供必具甘旨或至空匱暗賣衣裳務成志養不使姑知其艱也居室蕭然田土小且瘠生理屢空先生怡然不以為意惟孝是務申氏艱於供具屢勸先生還錦州舊居以終養焉先生以父母之鄉不忍去數年歲乙亥郡事鄭公以吾聞之賜梧桐閑田以資養焉先生終無去意遠近學者四集常與討論經傳講解性理入孝出恭樂以忘憂無復有聞達之意庚辰秋我太上居儲位召之先生堅卧不起州官督

令就道乘傳如京永接禮授太常博士先生上箋自陳曰忠臣不事二君臣以草萊委質爲朝蒙其親試且受爵命不宜復仕盛朝以累名教上嘉其節義優禮遣之許復其家去牛毋卒自襲斂至祥禪一遵文公家禮不用浮屠法長子師文繼卒別製斬衰服之葵末監司南龜菴在賦詩數首贈之其一首曰高麗五百獨先生一代功名豈足榮凜凜清風吹六合朝鮮億載永嘉聲春序蘭溪諸公與諸儒咸賚之或羨孝行或褒臣節前後幾百首是年郡事李公揚

行狀

訪之謂地偏田瘠不宜居移錫栗谷園田以饒
生養先生云凡物有餘莫保其終乃將所錫之
田準其家費留焉餘皆還之先生家貧難於營
繕監司南龜菴命州官營家廟州官督搆之先
生仍營室廬以為永世之居其祠堂之制祭享
之儀一遵家禮行朔望祭禮四仲時享出辭反
告無敢或虧申氏亦習祀事采盛之備稱家所
有隨時取具至於祭佐拜揖周旋升降無不中
禮乙酉秋陽村先生題龜菴諸公所賦詩卷叙
其本末其略曰有高麗五百年培養教化以勵

士風之效華先生之一身而收之有朝鮮億萬
年扶植綱常以明臣節之本自先生之一身而
基之其有功於名教甚大而我朝之德亦由
先生而益彰所以激百代之高風存萬世之大
防也先生心地廉靜無末世利常澹泊如也申
家蒼赤十餘口逃躲有年外舅勉許子孫先捉
者得之先生幸捉之無遺外舅如約給之先生
固辭外舅默置案全給之不使先生知之歲已
丑披文書忽得其案去之又固辭外舅怒曰辭
爵祿辭奴婢不宜處人類也先生云子孫即祖

行狀

考遺體也安有厚薄況宗子已歿而彼存養雖
為暨孫生為繼姓義當主祀不可不重遂分與
太半是年春聞陽村卒垂涕泣曰古者民生於
三事之如一世有為君父服喪者無服師之喪
者乃行心喪三年癸巳冬表兄浮屠雪幢以法
孫奴與先生子師舜而死先生云既曰法孫何
傳於族命師舜辭而還之甲午秋外舅卒適存
養從戎未還先生云余於申家承恩重矣乃服
總麻代為喪主不食菜果醯醢有餘日及存
養來主哭奠始去服復初仍令存養自初喪依

家禮終制立祠堂祀事無虧是年先生憂父墳
為樵人所兀遂就而廬之禁伐三年稍慈鄰使
奴守之乃去乙未春別出臧獲五口兼將家財
田土作文案屬祠堂使主祀者永執之言曰祠
堂所在之家不可分釋亦不可支子主之也丁
酉春科公賁卒行心喪三年季妹有適千戶方
思桂者見柩無所歸先生迎之家同鼎食有年
思桂更欲迎歸先生云柩以不義迎又無禮歸
必復矣遂不歸慈睦愈厚及是年無後病卒
先生曰喪有無後無主使弟久為之主奉饋

行狀

服之期戊戌秋令我 殿下勅即位崇獎先生
節義 召子孫之堪叙用者師舜將赴 召拜
辭先生曰君先乎臣三代以後蓋罕聞也汝在
草萊 君先召之雖未得爵祿其恩與義非他
泛然為臣之比汝當效我向高麗之心事汝朝
鮮之主汝父之心外此無望師舜伏聞之再拜
而去先生本清苦不顧生產作業留心忠孝謹
於喪祭每值親忌一粒不下口曰古人謂忌日
為終身之喪安忍哺啜遂垂淚終日一家從而
齋素如遇宗族之喪必服文公所制之服以盡

禮焉隣有喪雖微者必啜粥未嘗飽也常語人
曰人之晝有錯於言行夜不存心耳至夜撥置
萬慮靜坐不言中夜而寢或擁衾待曉雞初鳴
盥漱具冠衣晨謁祠堂遂及先聖又與弟子相
揖訖講論經書必務合於程朱之旨言必以忠
孝為主雖有疾病手不釋卷不以事物開心市
井之語鄭衛之音未嘗經於耳異端之書非禮
之色未嘗接於目凡大小官不先加禮未嘗入
官府非義之事未嘗赴人家不出洞口呆以明
道學闢異端為事對案危坐辨析折衷竟夕忘

行狀

倦緇流之感悟而反本者不啻數十人先生之
弟浮屠父亦悟而之儒中生負試經術之士出
於元生之門者不可勝數余亦側末獲聞餘論
焉至己亥先生年六十七得疾病革申氏告以
招師舜先生曰君父一也既往君矣聞計而來
可也命壻李孝誠曰行我喪一依文公家禮言
訖而卒先生之子二長曰師文先卒次曰師舜
今為繕工直長女三長適金石精仲適李孝誠
季適韓南斗皆士族也弟父與子壻一遵遺命
治喪庚子正月十三日葬于金烏山東洛江之

西烏浦

鳥浦之鳥一作吳

之原永樂壬寅春三月己亥

門人前中直大夫司憲執義知製教朴瑞生

謹狀

治隱先生言行拾遺卷上

治隱先生言行拾遺卷中

請追

贈箋

金性源

聖主龍興既盡尚賢之道愚臣虎拜恭陳顯忠
之方庶賜優容用廣敷奏竊觀帝王之作咸
旌節義之臣姬周聖朝誕封比干之墓李唐盛
治特賜君素之官豈徒崇德之嘉猷實是勵賢
之良策曰茲吉再之出適當麗運之衰以蹇蹇
匪躬之忠表斷斷無他之念自夫太祖夢尺
之日即招伯夷採薇之賢惟一其心寧知帝
鄉之樂不二其操無慕人爵之榮忠魂雖已在

於九泉勁節尚獨高於百世宜崇爵位以樹風
聲臣伏望渙發 綸音特降明詔獲沾縻爵之
寵以為勵俗之規謹當夙夜在公朝夕從事唯
禮可以為國願廣晏嬰之言非遺不敢陳王竊
效孟軻之歆

追 贈

故高麗門下注書吉再

本曹所申宣德元年十二月初三日左副代
臣許誠敬奉

教旨前朝之臣故注書吉再乙良追 贈為只為

下吏曹敬此稽諸古典可贈通政大夫司諫院
左司諫大夫知製教兼春秋館編修官宣德
二年正月二十六日知申事通政大夫經筵叅
贊官兼尚瑞尹知製教充春秋館修撰官兼
判奉常寺事知吏曹內侍茶房事臣鄭欽之奉
教依允敬此迨 贈故牒者宣德二年正月二十
八日

賜祭議

領議政權輿議古再以前代之臣堅守志操不
事我朝忠貞之節亦足嘉尚致祭其墓以勵

風教何如

左議政洪暹議吉再當國家革命之初乞歸田里以遂不事二姓之志其忠貞之節足為矜式不可謂之不死於王事者致祭其墓亦激勵風教之一助

右議政盧守慎議不事二姓人臣大節伯夷陶潛不死為商晉忠臣吉再以高麗門下注書抗節終身以遂不臣之志其清風高韻足以扶百世名教亦頗聞其教授學徒有功云遣官致祭以勵風教實為國家盛典

領府事朴淳議吉再能全節義為人臣之表今者遣官致祭特垂褒嘉實是飭勵風教

傳曰依議施行

萬曆五年丁丑二月日朝廷命祭前代節義之士或以為先生非死於王事不免致祭云故全大

三綱行實

洪武己巳冬注書吉再棄官歸家歲在庚辰恭定大王在東宮召之再至啓于恭靖大王授奉常博士再啓東宮辭職恭定大王曰子之所言實關綱常但召之者吾而官之者

疑

下也宜辭於殿下再乃上書曰再擢第辛朝
為門下注書臣無二主乞放歸田里終養老母
以遂臣不事二姓之志明日恭靖大王御經
筵問知經筵事權近曰吉再抗節不屈未審
古人何以處之乎近對曰嚴光不屈光武從之
再若求去則不如使之自盡其心之為愈也
恭靖大王乃許歸仍復其家永樂戊戌殿下
即位承恭定大王命官其子宣德丙午贈
左司諫大夫

輿地勝覽

吉再海平人仕高麗偽辛朝為門下注書以母
老棄官來居府南仇旆里奉養焉本朝太宗
在東宮召之至啓于恭靖大王授太常博士
不詣闕謝恩乃上書太宗曰於昔日得與
邸下讀詩泮宮今之召臣不忘舊也然於辛朝
登科筮仕及王氏復位即歸于鄉若將終身今
者記舊徵召欲上謁即還從仕非志也太宗
曰子之所言實關綱常義難奪志然召之者吾
也官之者上也告辭於上可矣遂上書略
曰臣聞女無二夫臣無二主乞放歸田里終養

蘇言不道進者

老母以遂臣不事二姓之志 恭靖大王嘉之

優禮以遣 命本州復其家 世宗朝官其子

師舜特 贈再左司諫大夫以旌其閭

按陽村詩叙及行狀稱臣稱偽朝三綱行實

乃先生辭職一疏之辭而散出諸書者若此

其不同何也三綱行實既曰再擢第云云則

不稱臣可知而詩叙及行狀勝覽何所據而

云然耶南秋江有詩曰辛朝注書吉治隱云

於則偽朝率朝之稱恐非先生本語而特出

彙纂錄語

佔畢齋金宗直

鄉先生吉公再以嘗仕高麗辭錄於本 朝累

微不起卜築金烏山下教授子弟童叟雲集其
教自洒掃應對之節以至蹈舞詠歌不使之躡
等公亦往受業焉

公即司藥金叔
慈佑畢公父也

慵齋叢話

成俔

吉先生再痛高麗之亡以門下注書投綬居一
善金烏山下誓不仕我朝我朝亦以禮待
之不奪其志公聚郡中諸生徒分為兩齋以閤
閱之齋為上齋以鄉曲賤族為下齋教以經史
課其勤惰受業者日以百數公嘗作閑居詩曰
盥手清泉冷臨身茂樹高冠童來問字聊可與

逍遙

續蒙求

眉巖郝希春

元末高麗吉再字再父善山海平人也性穎悟
清苦少好讀書負笈尋師不憚遐險年十八就
商山司錄朴賁受論語孟子又隨父元進至松
都遊牧隱圃隱陽村諸先生之門始聞理學之
至論事父母至孝事庶母盧氏起敬致誠使不
慈為慈以禮率妻變富驕為儉謹登第官至門
下注書洪武庚午知國之將止辭以母老棄官
退居鳳溪除官不赴為舊君方喪三年不食醢

果遠近學徒四集相與討論經傳入孝出恭樂
以忘憂我 太宗朝以太常博士被徵再上箋
自陳不事二姓之志 上嘉其節義優禮遣之
居家淡泊安靜輕財重義室廬蕭然生理屢空
怡然不以為意篤於親故謹於喪祭一從朱文
公家禮不用浮屠法每中夜而寢雞鳴而起具
衣冠晨謁祠堂遂及先聖退于書室對案危坐
講學辨疑竟日忘倦務合程朱之旨以明道學
以闢異端緇流感悟而反本者數十人尋常一
言一行莫不以忠孝禮義為主年五十七聞陽

村卒哭泣曰古者民生於三事之如一乃行心
喪三年年六十五朴公賁卒又行心喪三年其
老而勤禮如此學者稱為治隱先生君子曰治
隱質義而學粹好義而崇禮孝於親忠於君隆
於師盡臣子在三之節既以此終身又以此教
人雖古之醇儒不足過也

對詔使問

吉再慶尚道善山府人高麗末為注書志操高
潔學問醇正鄉人化之雖庸婦亦以貞烈自守
國初屢召不赴卒於家

隆慶丁卯華使許國魏時亮到我國問東方
孝子節義及孔孟心學之人禮官以孝子五
人忠臣五人烈女五人孔孟心學十六人為
對而先生亦在心學十六人之中時退溪先
生李滉為禮曹判書○烈女藥哥鳳漢人也
哥之事蹟具載續三綱行實謹按世傳哥常
誦烈女不更二夫之語以此自勵或問之曰
汝鄉曲賤女何以知此言也哥曰吾里吉注
書嘗曰忠臣不事二君烈女不更二夫吾是
以知之先生精忠至誠能感發人心扶植世
教如此所謂雖庸婦亦以
貞烈自守者蓋指此也

大學生疏語

趙先祖之學之正其所傳者有自來矣自少慨
然有求道之志受業於金宏弼宏弼學於金宗
直宗直之學傳於其父司藝叔滋叔滋之學傳

於高麗臣吉再吉再之學得於鄭夢周之門夢
周之學實為吾東方之祖則其學之淵源類此

此大學生諸復趙光祖爵
今截取道學淵源一節

善山請建書院文

本府古稱文獻之邦道德文章代不乏人而治
隱先生吉再當麗季不事二姓樹萬古忠義之
節至誠事母倡人子終養之孝師事圃隱傳東
方理學之波訓誨諸生課讀童孩多所開發家
僅門僕亦習聞其說以詩相杵人比鄭公之鄉
豈特可祭於社而已哉白雲安先生臨臯鄭圃

隱皆已立院享祀使諸生知所向方而吾鄉獨闕斯豈非名府一大欠事乎茲欲並力殫財創立書院于治隱先生終老之地金烏山麓庶幾使先生有享諸生有學

請建書院牒

治隱吉先生忠孝兼全加以性理之學於斯文亦大有功今若立廟建院使先生有享祀之所諸生有藏修之地其於化倫成俗之方庶幾有所補益也

時來期忠為府使

萬曆三年乙亥

賜金烏書院額及書冊

吳山書院事蹟略

縣監柳雲龍

治隱吉先生墓在縣西十四里洛江下流漆津之右往在隆慶己巳縣監趙天啓始為封植立小石題曰高麗忠臣吉再之墓又方建書院於花洞山下未就而趙君卒所立矮屋數椽上雨傍風人不堪居神不可安萬曆甲戌監司尹公根壽令本縣於塋域築墻以護其後漸至荒廢或有頽圯不修者縣之人士皆斷斷焉乙酉春雲龍分符到縣首詢訪得實誠不自量慨然有興替意即具牲醴展省先生之墓而修治之旋

與同好者謀卜地於先生塚墓之前吳聚山麓
蘿月峯下移創院宇後立祠宇五架三間廟西
立神厨三間稍下立有司廳庫十餘間直廟前
立會堂揭以尚州板本忠孝堂三字東西各有
溫房二間東曰明誠西曰直方堂下又立東西
齋東曰涵一西曰省三齋前立橫樓五間樓前
為門三間樓曰清風門則薰德東齋東偏作堂
堂之左右各有挾室以待童仆之來學者扁以
養正前後左右皆繚以墻垣揔以名之曰吳山
書院戊子三月訖功四月十四日丁卯大會境

內諸生奉享治隱先生于廟蘿月峯之東有山
斗起走入江心清爽壯快江灣迴環有同島嶼
觀者以為遠與灤河形勝相為伯仲云深欲立
一石碑于其上以頌先生德美者久矣偶得中
原夷齊廟砥柱中流碑墨本四大字於鄭寒岡
述稟于監司李公山甫以善山府使柳公德粹
幹其事先生六代孫吉云得為有司伐石于海
平縣地前刻砥柱中流四字後刻柳西厓成龍
所作陰記乃疑川人朴道生所書也丁亥四月
日建于所謂斗絕入江處瑱珉屹立影落波中

舟行陸走無不瞻仰山川動色風彩頓變真所謂山若增而高水若增而深者也趙君所立墓前小標直書先生姓名事乖尊尚殊非所宜而以諱事神義所當然故易樹小碣改書前刻曰高麗門下注書治隱吉先生之墓於是禮始歸正而徵諸後世不甚無稽矣云云

祭文

賜祭文

萬曆丁丑春司僕寺正
朴應福奉命致祭

藐予御極扶植名教匪為觀美實勸忠孝念昔
奉天命已離皇矣聖祖肇造丕基濟濟殷士奔

走裸將一介斯人獨保首陽朝承鶴書夕反舊棲
至治方隆下有夷齊歲寒松栢挺然不渝拳拳累
朝贈爵恤孤列聖之意貞臣之節並行宇宙轟
轟烈烈在于後嗣益深傾仰臨朝咨嗟夢寐精爽
睠彼吳山曰維其藏樵蘇不禁丘壠就荒為我心
惻茲遣廷臣瞻視堂封肴醴具陳三綱所係萬世
作程神肯少留惠以光明

又賜祭文

萬曆癸卯秋弘文校
理曹倬奉命致祭

志潔行淑學邃道尊松嶽訖運金烏閉門天命有
歸裸將殷士獨辭周粟屢辟不起扶綱宇宙揭義

日月七里靖風三逕高節一身二君彼何為者褒
賢勸忠其在斯乎茲遣從臣敢薦涸酌不昧者存
庶幾來格

李甫欽祭文

周武受命夷齊採薇於首陽漢光中興子陵垂
釣於富春超當世而獨立絕後代而無倫嗟麗
運之衰微會聖朝之清明群臣奔走以服命
萬彙欣欣而向榮惟公冠不及二梁位不過注
書乃為舊君而守節不為新書而登車愛斷青
雲高卧草廬尚巢許之高風鄙王魏之選權忘

機鳳溪之如斯抗志烏山之不遷大節可比於
伯夷至孝無愧於子騫扶植綱常於既墜激勵
士風於靡然蓋茲忠孝實本於天秉彝之性孰
不同焉念我皇祖詢茲南服賦詩兩章以美一
德上三綱之新圖光一代之簡策嗟余小子叨
承遺迹誦詩慕德心焉怵惕恭修薄具庶幾來
格嗚呼尚饗

孫舜孝祭文

自古忠臣義士不幸生於昏亂之朝革命之際
或見危授命殺身成仁者有之或委棄爵祿抗

節不仕者有之雖所安之不同其所以明人臣之大節立萬代之綱常其致一也是故伯夷叔齊食西山之薇終身窮餓而為商家之忠臣龔勝陶潛退在田里不應徵召而為漢晉之忠臣豈不以慷慨赴死易而從容就義難耶先生生於麗運之末策名為吏飄纓紆組見朝廷濁亂國命將絕而翩然匹馬歸卧鄉曲遯世無悶及其主受命萬化一新搜羅賢俊欲共天職以禮見召而敷陳大義貢章闕下終遂不臣之志其見幾之明則不讓於申屠蟠而不事二姓

之忠當與夷齊龔陶同垂於千載之下矣嗚呼
周德至盛矣華陽歸馬之後不聞有首陽之聘
先生生有聘召之榮沒有褒贈之典錄用
子孫立祠祀之豈非我朝之德因先生而益
隆先生之節因我朝而益光也耶崇德衆賢
之義終始出處之正皆足以垂範萬世矣余以
無似素仰高風今者承命持節是邦思欲敦
民風而扶世教盡臣職而報聖明雖匹夫匹
婦之微如有一行之可觀者必歆慕而加敬况
卓卓如先生者哉拜瞻祠下髣髴儀刑唯烏山

洛水之如昨念先生兮安在與
燕黃與荔丹其英靈之不昧也

又

嗚呼先生之時即夷齊之時也先生之心即夷齊之心也
大道君子生天地間孰不欲明君行道垂功名於後世
自三代以下蓋紛紛如也雖以魏徵之賢猶未免後世之譏
况其下者乎當殷之亡周之興也十亂共輔天下宗周蓋武王
應天順人除害救民也先聖孤竹二子獨叩馬而諫餓于
首陽之下萬世非之而不顧是何心

哉從周武而食粟順而易為商受而餓死逆而
難懿哉夷齊之捨易而從難如是夫不有夷齊
綱常其頽綱常其頽鳥獸同群前有夷齊後有
先生君君臣臣父父子子於萬斯年乾坤不易
嗚呼盛哉微末後生景仰高風齋沐肅心恭奠
一觴靈其如在庶其居歆

金烏書院奉安文

隆慶壬申春

鄉人崔應龍

學造篤信義析毫釐時危世亂潔身言歸富貴
不淫貧賤亦樂採薇空谷終始一節綱挾大東
德顯吾鄉立宮算祀昭格洋洋

金烏書院享祀文

吉誨先生五代孫也

氣質粹義學問精純決於取義勇於成仁志堅
金石心質鬼神周家夷節孔門曾孝扶我民彝
揭我名教猗歟先生萬世師表

又

夷齊之節曾閔之孝扶我民彝萬世師表前文句繁

略用此文

祠堂重修還安文萬曆癸未府使柳德粹

學傳鄒魯道臻精一曾閔之孝夷齊之節一村
田園名教之域於赫祠宇清風穆穆第經久遠

卷中

未足安靈茲用修葺敢冀來寧

祠堂在善山仇林里栗谷洞永

樂元年癸未監司南龜卷在所構也

改豎墓標祭文

萬曆丁亥

縣監柳雲龍

噫嘻先生百世之師行同子騫節並伯夷道義
崇深山高水長聞聲者肅感德者良貌余懵陋
來守茲疆立壠不治行道嗟傷曰惟封植實我
職事營祠建碑豈盡微志顧念舊碣直犯墓諱
其在瞻聆孰不思畏茲焉改圖易豎三尺鐫刻
粗完功在今夕端由斯告薦此菲薄其始自今
庶賁幽宅有訢頌額有激頽俗生忠降孝錫類

振振清風穆如凜凜千春

吳山書院奉安文

萬曆戊子夏

西厓柳成龍

皇降民衷粵有恒性維忠與孝曰人所秉心為
慾昏若蕩狂瀾常既鮮盡變或尤難卓哉先生
秀起頽波純誠自植履道無頗在家底豫感徹
神明為君無二肥遯居貞烟霞契心鴻鵠摩天
求仁得仁傷剗誰賢孤臣正色萬乘難奪介士
行志千駟不屑俯視紛紛風雨一葉人或感槩
此實從容意氣一時徇道長終真知篤行學則
在是微響雖湮大範攸軌迄今綱紀有炳無磷

民彝同好莫論遐邇矧茲吳原實安冠履高山
巖巖雲水蒼蒼風流如在典刑難忘依歸有所
豈宜無作百年曠廢有待今日修荒斷堅創廟
構堂妥靈愉神日吉辰良祀事孔嘉桂看蘭藉
青衿至集肅雍靜暇瞻慕咨嗟若覩英姿其香
始升歆格靡遲嗟我先生道不墜地示我景行
呼我大寐自今以始永世無墜

吳山書院享祀文

西厓柳成龍

道盡忠孝身任綱常風聲永樹報杞無疆

尹根壽祭墓文

萬曆甲戌

麗籙告竟

聖人受命萬物咸慶一世所趨冠

蓋京都名教孰扶特立維公獨抱精忠不昧帝
衷眷眷所事質之天地豈敢或貳宗社烟沉黍
離哀嗟慘慘其心西山餓夫澤畔之枯異世同
符自天 召之慷慨陳辭凜不可移匹馬南還
却掃閉關匪為清寒親承園隱得聞道蘊持守
益謹竹塢移床靜對縹緲妙契天光秉義葆貞
學以成之烈烈轟轟自靖于已再闢人紀百世
以竢吳山一方披厥榛荒繫公所藏金烏崇崇
上磨蒼穹永婉高風奠此瓊羞公不少留我思

悠悠

時公為監司既祭旋令繚以垣墻

祠堂重修奉安文

府使金誦

恭惟先生天資粹純幽蘭自馨貞玉不磷孝親
忠君隆師誨人為仁有本取義靡慝進退從容
俛仰何忤見幾之明信道之篤所立之卓所守
之毅伯仲孤竹凌駕七里清風宇宙聞者興起
矧余小子來莅此壤儀刑入眼翠壁千丈髮豎
神清朝曛景仰維山之東舊墟依然靖節栗里
文山富田披擽覓路為吊忠賢破瓦頽垣兵火
載經寒松苦筠猶自青青感嘆徘徊潛然涕零

希文古事我敢不繼飲水復祠我忍終磨爰咨
才遺工畢閱歲廟庭隘陋英靈肯顧偃僂晚拜
庶慰我抱搃彼江流西山有草誠微物薄享儀
則多猗歟大節終古不磨廟之興廢何損何加
拔地支天烏峯舉律朝宗于海洛水不歇先生
在是香火千億嗚呼噫噫

吳山書院重修奉安文

旅軒張顯光

先生之道天尊而尊先生之教人存而存世或
喪亂理豈泯沒天猶古天人不滅絕其尊其存
此道此教今也吾院復儼廟貌奉安新版舊號

治隱先生言行拾遺卷中
舊位節義彌光綱常不墜烏嶽崇崇洛水悠悠
道宜共隆教宜同流

治隱先生言行拾遺卷中

治隱先生言行拾遺卷下

讚詠諸詩并序

門生吉注書頃次于家携老少還善州來
別一宿而去

牧隱李穡

從遊泮水號通經及第注書雙鬢青
辭我携家故鄉去且聆吾語苦丁寧
讀書須踐古人迹對策要登天子庭
軒冕儻來非所惡飛鳴一箇在冥冥

鳳溪處士吉先生曩在庚辰秋以太常博
士徵召先生恥事二姓堅卧不起州官督

古言絕句

令就道愈嚴勢迫如京上表陳情 上嘉

其節義遣鄉閭余入州乃聞遭母喪廬墓

側奉詩先候起居云 龜菴南在

高麗五百獨先生一代功名豈足榮凜凜清風

吹六合朝鮮億載永嘉聲

又

天縱宣尼畏後生道肥身瘦德尊榮離倫獨立

清標迥遠播佳名樹教聲

又

阿世悠悠半此生乘時僥倖可誇榮一身軒冕

須臾事鳳水泠泠萬占聲

次

春亭卜季良

乾旋坤轉政施生萬彙欣欣共向榮
只有高麗鳳溪水潺湲不改舊時聲

又

圃隱當路且捐生雲卧誰曾慕勢榮
自是聖心崇節義慙慙見召播休聲

又

曾將孝友樂餘生殺水還能薄世榮
祥禪想知哀未盡援琴應亦不成聲

次并序

陽村權近

高懷重義自輕生
身上簪纓匪所榮
守道克全臣子節
鳳溪千載永流聲

又

舞彩欣欣善事生
策名科第為親榮
却緣委質堅臣節
忠孝雙全播令聲

又

市朝遷革恨偷生
况肯身紆組綬榮
賴是周家恢大度
西山容得採薇聲

又

吉先生
事蹟

澤上羊裘舊友生徵來誠欲共安榮終然不奪
江湖志要使繼傳節義聲

我國家未受命也 殿下方入學讀書有
大學生吉再者以同里相從講磨情意
甚款後既登第為門下注書改玉之後退
卧鳳溪事母至孝無復有仕宦意 殿下
嗣位以奉常博士徵之不起州縣督令上
道乃來于京上箋自陳臣本草萊委質偽
朝蒙其親試且受爵命其恩與義非他後
然為臣之比臣不冝復仕 聖朝以累名

教 殿下嘉其節義優禮以遣敕州縣復其家余時上書請固留不得後丁母憂廬墳三年凡歛葬祥禫之禮一遵聖制不用浮屠之法龜菴南公在觀察其道賦詩數首以為二軸各叙短引于其端一美其臣節一美其孝行也繼而和者若干首其弟浮屠處愚攜來都下踵余門而示之余亦效顰以綴其後因撫卷而嘆曰嗚呼節義人心之固有萬世之不容泯道學天地之常經萬世之不容廢凡為儒者孰不講明

以知其說哉然能不怵於功利不惑於邪
說臨大節而得不爽者亘絕代而罕聞也
夫功利之私邪說之誘其毀人心甚慘非
有卓然之見確然之守豈能專其所學而
不變哉今先生當世代遷革之後無所為
而效忠也能為舊君守義而不虧其臣節
當蔬蓐哀疚之中易以安而塞悲也
能為喪母盡禮而不諂於異端為臣之忠
為子之孝平生大節卓卓如此講學之正
信道之篤所見之卓所守之確何其至矣

吉先生

事蹟

嗚呼有高麗五百年培養教化以勵士風
之效萃先生之一身而收之有朝鮮億萬
年扶植綱常以明臣節之本自先生之一
身而基之其有功於名教甚大而我 殿
下寬仁大度褒獎節義之義直與周武之
釋夷齊漢光之遣子陵異世而同符斯皆
所以崇其義而遂其志以激百代之高風
以存萬世之大防也我 朝之德亦由先
生而益彰嗚呼先生之賢真所謂絕代罕
聞者也

古言絕句

次

密陽朴堅基

抗節陳情不顧生歸來彩服足為榮一身忠孝誰能繼竹帛應傳不朽聲

次

商山金謙

朝廷選舉為蒼生公自無心爵祿榮竹帛已曾書大特也應千載煥名聲

次

朴瑞生

蕭然茅屋寄平生曾次都忘辱與榮一起士風趨正路功名不起此時聲

又

七言絕句

次

軒裳豈足樂吾生名節斯為萬世榮
看取五朝長樂老修光筆底怒雷聲

次

蔣天叙

志士由來不重生肯將阿諛強求榮
懷君志料得無聲勝有聲

又

逸名不是要全生一已應慚二姓榮
幸值明君崇道德何須金玉爾音聲

次

知三岐李邠

附勢趨時笑一生拂衣辭退宦途榮西湖烟雨
東江月漏屋常聞嘯咏聲

次

瑞石山人卓慎

取義丁寧不取生肯將人爵自光榮首陽高節
無能繼可賀朝鮮更有聲

次

無名氏

微命曾霑故主生薄名先被舊朝榮溪山幸是
餘前物退卧休聞理亂聲

又絕句

尹會宗

縹緲金烏對首陽寥寥千載樹綱常君今遯世

七言絕句

能無悔竹帛名爭日月光

次

學諭裴楠

盛代龍興自漢陽挺然吾子守天常歸來一食
西山菜千古金烏始有光

次

裴桓

周家大度布春陽唯有夷齊抱道常爵祿固辭
尋舊隱心同水與水精光

五言律詩

龜菴南在

掛冠有高士避世吉先生寂寞平時事流傳千
古名烏山入簾碧鳳水繞階清霜露春秋節悠

五言律詩

然不盡情

次

錦城鄭耕

茅屋鳳溪畔先生樂一生忍貧行至孝讓祿謝
浮名床上圖書亂籬邊樹木清卜隣曾有志愧
不稱君情

次

永嘉裴尚志

山林隱君子天地一書生孝是曾參孝名為嚴
子名才同烏岳秀心與鳳溪清欲往趨函丈慚
余託世情

次

學諭裴楠

待五言律

威儀嚴一已禮樂訓諸生要却全忠孝一作嫌
他競利名節爭松竹操凜若雪霜清常欲仰師
事無由達我情

次

裴桓

道湮千載下乘運聖君生禮厚勤三聘心蓋
事二名忠誠霞興赤懷抱水俱清常欲一歸咭
蹉跎宦路情

次

宣城禹洪鈞

廉恥一高士秉彝安舍生山林無世累史筆有
芳名氣合乾坤大心同河水清萬鍾如草芥何

物汚其情

次

年生吳一德

吾愛吉夫子忠誠冠後生
烟霞雖晦迹塵世幾
流名松徑門閑靜筠軒
院宇清考槃成獨樂誰
屈碩人情

次

後學禹傳

自古賢君子求仁不要生
首陽飢豈忝畫邑死
遺名節對箕山峻心同
潁水清高風凜當世誰
識丈夫情

次

無名氏

五言律詩

端洒芳茨下前朝一介生
祿辭新主祿名保
舊君名七里非專美西山
豈獨清綱常曾賴立
千載動人情

又五言律詩

陽村權近

孝誠格天意禪晨風日晴
烏啼悲未哺駒隙慟
難停聖訓遵無墜斯文晦
復明良心誰不有感
涕為君零

次

金時

孝子將行禪陰雲便報晴
乾坤終有盡哀慕永
無停名教類還立人倫賴
益明欲從風詠去

我鬢彫零

次

蘭溪咸傳霖

鳴咽鳳溪水宜雨亦宜晴青嶂千層秀碧雲一
朶停心存誰得識德立衆從明我有辭親淚因
君不覺零

次

完山李邵

卜宅川源好奇觀雨與晴功名豈百疑有計道
學暫無停肝膽山河壯膏懷日月明不憂當世
事動靜轉飄零

次

張至道

五言律詩

卜居鳳溪畔山氣媚天晴魏闕書曾上名途繼
已停立心須懇到講學最精明愧我無攸遂渾
頭雪既零

次

蔣天叙

三年喪滿日夜雨曉來晴行葦儀初盛菁莪禮
豈停孝誠霞更赤忠懇月非明競見餘哀切無
人不涕零

次

春亭卞季良

廬墓經三載哀哀淚不晴樹風吹正急苦塊
何停肯信浮屠誘曾知聖制明秉彝人所共聞

此深堪寒

又

吉侯立於獨恭華聳秋晴峻節自無比馳名誰
暫停乾坤為高下日月更貞明落落歲寒操寧
隨百草零

次

牧使金用鈞

水光山氣好雲捲雨初晴點列峯如畫吟哦筆
不停亭高觀稼闕日永舉杯明自遠方來厚風
流莫深零

次

無名氏

七言律詩

漢北龍飛日三韓宇宙晴
愛廬心靡隱辭笏志
難停只欲堅臣節要非負
聖明湖山澄邃處
遺落任飄零

七言律詩

獨谷成石璘

山下數間溪畔廬
手栽松竹碧蕭疎
細君沈壺
開新醞稚子挑燈讀古書
玩世肯為中散銀
韜
光正似子陵漁
門前官道多冠蓋
高卧從渠自
覆車

次

浩亭河峯

溪山勝處結茅廬
心跡雙清與物疎
懶立難為

公信事詩中亦有汝方書傳巖只是初年蘇渭
水何曾卒世漁屈指古人非一軌君今隱治慕
誰車

次

春亭卞季良

治隱先生歸弊廬雲情自與世情疎門垂彭澤
五株柳家有盧仝千卷書早把利名同草芥好
將心事付樵漁一區故國山溪勝或棹孤舟或
命車

又五言律詩

晉陽鄭以吾

治隱非真治高名動縉紳春風歸橐鑰物像賴

陶鈞彭澤休官客山陽玩世人唐虞如欲鑄心
上範圍新

五言古詩

無名氏

溪流八九曲山木數千株足以供爐冶餘皆無
所須勤勤非鑄物汲汲豈趨途所期主明教萬
世為鴻儒清節映簡冊英風吹寰區採山登北
嶺釣水向南湖床上有書籍架頭懸葫蘆身為
冶隱子心是一唐虞

過金烏山詩此固隱經二姓非是秋江南孝盦

七言古詩

秋深百川明琉璃霜摧萬樹紅錦綺辛朝注書

吉治隱秀於嚴霜清於水大節銘在蒼生口烏
山截空一百祀武王革命天眷隆夷何為哉而
獨恥鴻毛命輕義重山公與達可知此理達可
身經二姓王杞梓寸朽鑑中此公身所委唯一
君真知獨行誰與比漢家更崇角里生周王義
不臣箕子茲山之下賜骸骨田園九畹滋蘭蕙
西河風俗化子方至今嶺南多名士念我鼻祖
龜亭公先生德義談亶亶監司此道作家廟遺
說亦在長老耳曾於家訓飽聞之匹馬短童過
故里屬余斷酒安用酌作詩招魂而剪紙

過先生閣

退溪李滉

朝行過洛水洛水何漫漫
午憩望烏山烏山鬱
盤盤清流徹厚坤峭壁凌高寒
有村名鳳溪乃在山水間
先生晦其中表閭朝命頒大義
不可撓豈曰辭塵寰千載釣臺風
再使激東韓扶持已無及
植立永堅完丈夫貴大節
平生知者難嗟爾世上人
慎勿變高官

過金烏山

容齋李荇

巢父洗耳卧堯德如天大

大疑作龜

武王一戎衣伯夷歌採薇士固有如此

昔聞今世稀卓哉吉門

賦金烏山

下皎皎尚餘輝陵谷一變遷白日中天飛上書
拂衣還雲山無是非斯人不可見斯道孰庶幾
三叫過嵩岳儻有魂來歸

金烏山賦

無名氏

金烏蒼蒼巍乎太虛昔人伊誰於焉而居余嘗
訪遺迹於一善遂弭節乎山之岨清川流乎深
谷爽籟發於松間層巒聳律太別之山歟疊穎
嶺屹萃山之岌峯歟依依然鍾山之舊墟彷彿
乎商山之遺跡曰余未有知乃攀脩栢而反思
昔吉公之賢士當麗運之既衰忠君與愛國志

金烏山賦

卷之四

十四

專專其靡他諒九死而不改志兮奚勁節之可
磨迨我王之龍興兮忽隱伏於山之阿固知
革命之有數羗不改乎吾志亦知受命之在德
竟不為乎事二不食周粟兮慕夷齊之清風罔
為臣僕兮追箕子之至忠縱我王之頻招兮
益堅節而不朝寒終老於茲山伊素志之不搖
貫忠誠於白日樹風聲於無窮嗚呼噫嘻節彼
南山固非不崇也巖巖茲山亦非不崇也但岌
嶮而若馳兮空偃蹇而橫空豈若茲山所以因
吉公聲傳之芳者乎然則是山也異箕山之為

山奚巢由之彷徨也匪盤谷之為谷豈李愿之
栖遲乎宜乎分形勢於嶺南擅名勝於四維與
首陽而並義聳大東之同規也余於是歷崎嶇
而悽惻兮仰高風而盤桓但見猿嘯深壑鶴唳
層巒羲和將溺望舒揚明四顧無人伐木丁丁

三綱行實絕句

無名氏

崧山王氣已成灰 真主龍興泰運開尚戀舊
君全一節飄然高卧子陵臺

又

亭亭高節凜秋霜直欲追蹤餓首陽 聖代褒

三綱行實

七言絕句

崇彰節義三韓億載樹綱常

先生故居

佔畢齋金宗直

烏山鳳水恣徜徉
治隱清風說更長
龔婢亦能詩相杵
至今人比鄭公鄉

金烏山

企村宋純

金烏山下吉忠臣
千古高名動鬼神
十載再經山外路
清風如昨洒行人

金烏山

魚無迹

落落高標吉注書
金烏山下閉門居
省陽薇蕨殷遺草
栗里田園晉葛墟
千載名垂扶大義
至今

高以清

今人過式前問生為男子誰無膽立立峯巒揔
起予

金烏山

鄭士龍

烏峯蒼翠挹滔滔冶隱英風豎鬚毛周土粟輕
生可捨商山芝在世堪逃雲仍不嗣青蘊葉鄉
里猶稱白屋高臣節養成由主聖清絨諫議極
旋褒

金烏山

一善盧麟瑞

漢溲不到商山上晉甲猶存栗里中巖子能成
光武大亦非虛老富翁

栗谷遺祠

府使金涌

促鞭來訪金烏東寒竹蒼松栗里中千載儀刑
此可想暫時談話亦清風

遊金烏山

旅軒張顯光

竹有當年碧山依昔日高
清風猶豎髮誰謂古

人遙

歲丁未尋山憇大穴寺乃先生幽棲之所今其種竹尚在仍次先生閑居之韻而

之及

祠堂壁

祠堂壁上贊

金洵

上贊

秉彛之天人所同得古今幾人能全其德噫我
先生淑慎不忒既臣王氏之死靡慝念昔夷齊

采薇而食餓死不渝綱常扶植噫我先生是效
是則生於千載優入其域蓋我箕子封于我國
敷陳八教粲然昭晰噫我先生光修其職縱曰
天性豈非教力皇極之訓俾民咸識誰能寔遵
無偏無側噫我先生而康而色守節不二忠烈
挺特我王眷褒商容問軾乃蠲家役使安耕
織噫我先生自靖自飭衆口同辭贊稱不惑我
來遺墟祠宇有恤竚立階下敬拜向北噫我先
生使我矜式愀然見墻膝行匍匐頌聲之作不
須碑刻鳳水流長烏山峻極噫我先生清風不

砥柱碑
陰記

息萬世傳聞孰不嘆憶

砥柱碑陰記

西厓柳成龍

豐山柳侯雲龍宰仁同縣之三年大修吉子墓
直墓之左得高阜前俯洛流後倚烏峯郊原彌
迤烟沙浩渺顧瞻樂之載龜載謀築書院其上
後為屋以祀先生監司李公山甫暨善山府使
柳斯文德粹共躋是舉為之區畫經營以助其
不給役用易就數月而告成於是前建石碑
刻中原人楊晴川所書砥柱中流四大字既訖
工侯命其弟成龍曰吾將以此表先生之節而

為教於後爾其志諸陰成龍不敢辭謹請砥柱
之義侯曰四瀆之中唯河為大方其橫流泛溢
於天下也蕩崑崙觸呂梁蹴龍門吞伊洛放乎
梁宋之郊洶湧震激日星晦昧陵谷易置浩浩
湯湯橫無際涯崇山絕片盡為所包不敢以高
大自見舉萬物而靡如也於此有石焉元乎孤
峙卓爾秀出當噴薄衝擊之會而捍其逆折崩
潰之勢沙石以鬻之不足以動其堅洪波以汨
之不足以掩其高巍然截然歷萬古而如一日
其名曰砥柱夫物誠有之人亦宜然余嘗觀於

砥柱碑
陰記

古之忠烈士特立於流俗而不變者其類於是
歟爾乃邦國喪敗市朝變遷清濁同流薰蕕混
質前有爵祿之誘後有刀鉅之懼人心以苟免
為幸世道以干進為貴上焉者攀附雲衢下焉
者喘息草間滔滔一世莫能自拔於是有介士
焉挺立自奮守死善道能以一身任宇宙綱常
之重富貴不能淫貧賤不能移威武不能屈義
烈昭於當代而風聲表於後世以此喻彼夫誰
曰不然若吉先生仕於高麗之季知其將亡高
蹈雲林追乎聖人作萬物觀日月新暉山川

改觀向之飲食煦濡於王氏之門者奔走恐後
而先生以不事二姓之義正色昌言屏跡衡門
矢死不起其志烈矣夫犯天下之大亂立天下
之大節行天下之人之所不能為能使烏山一
區獨留王氏甲子於數十年之久嗚呼其真砥
柱也夫吾於此義乎取焉成龍曰先生之節則
高矣兄之取譬則然矣其欲以此為教者何與
侯喟然曰天下之物必先有以自守然後能有
以勝物彼砥柱也惟其高也堅也故初不期於
洪水而洪水不能以動之志士仁人惟其先審

砥柱碑
陰江

取舍之分於內而確乎不拔故富貴貧賤威武
不能以撓之也吾欲以此風勵學者成龍曰近
矣願進此而畢其說侯曰人之所欲莫甚於生
所惡莫甚於死其所愛慕而必得者莫甚於富
貴苟任其情而無有以制之則凡可以避死趨
生求富貴者何不為也於是賊倫悖理之習遺
君後親之風充塞彌漫如河決海濱以至三綱
淪九法數人類化為禽獸聖人有憂之教人以
先立其本心本心者何耶仁之於父子義之於
君臣命於天而則於物者也斯吾之所固有無

待於外者而或不能盡其道者欲蔽之也去其
蔽復其初則本心立矣而外物自輕由是則生
而有不為也死而有不避也不義而富且貴於
我如浮雲曾何足以動其一髮乎然則利慾者
洪水也本心者砥柱也人豈有不能砥柱於已
而能砥柱於世者哉故凡樹大節於危難之中
而不變者皆先立其本心於平日而不失者也
即吉先生是已彼群群而生汨汨而行沉淪於
欲浪蕩覆之中而不能自拔者聞先生之風求
砥柱之義得無有惕然自省於日用之間而能

砥柱碑
陰記

祠堂重修記

有所立以遏其橫流者乎斯道行則宇宙之棟
樑生民之柱石繇此以立而下土之昏墊殆有
濟矣以此為教其庶幾乎成龍起拜曰盡之矣
余不能外此而為說謹叙其所聞者而繼之以
歌歌曰吳山兮何有有紀兮有堂洛水兮汙汙
其流兮孔長一抔兮荒原維先生之藏斷石兮
鐫詞垂萬載兮耿光課忠兮貴孝惠我人兮無
疆薦蘭肴兮酌桂醕魂髣髴兮徜徉仰高山兮
俯清流思先生兮可忘

祠堂重修記

杜谷高應陟

夫孤竹而植三綱一絲而扶九鼎逕松菊而晉
祀猶存歌正氣而趙社不亾隱冶爐而麗祚尚
寄其烈一也既有是烈則不可無此廟既有此
廟則亦不可無此文此清風有廟嚴州有記忠
烈有祠者也 國初南公在按節嶺南也為建
先生廟廟在烏山之栗谷乃先生舊居也歲久
頽圯前府使柳侯德粹重修壬辰兵火廟宇蕩
然者十餘年今我金侯涌斬荆棘掃灰燼復立
廟宇齋舍諸具亦盡心規設親製文以奠之時
維壬寅陽月十九日丁未也嗚呼先生所造在

初堂重修記

吾東並義於圃隱在中國聯芳於四賢其出處
大節在國秉學識言行在文集然而比來文
集沉晦於亂離祠宇荒廢於兵塵而我侯能復
之可謂孤竹枯而復甦松菊悴而重榮非我侯
家賢之誠安能有是其有光於名教不亦大哉
先生六代孫宗先自錦山來奉香火而金侯
又令先生六代孫興先孽子忠男及門孽應
男等復其身以世其守此亦古人復其為後
者四家典守之意也在昔太宗朝特命五
結復役以文龍名其户文龍乃先生耳目奴

行錄初刊跋

也至今因其名以顯之

行錄初刊跋

鄉人崔應龍

先生筮仕麗末見幾高蹈逮我盛朝抗疏不屈扶持五百年綱常節行超卓載在國乘至今昭昭照人耳目而及見行狀則事親之孝享祀之誠凡言行表表可師者尤為明備而恨無力繡梓歲庚午尹侯之亨受左符于善慨然以興化善俗為急治民導士之餘語及治隱風節未嘗不起敬悅慕要以先生之行為士林指南書院之建於金烏則盡力修完善行之或未表

行歸初
刊跋

著則徵諸行狀猶恐一事一行之未及廣布遂
命先生五代孫生負誨繕寫上板傳之不朽又
令鄉上舍李璋摹寫遺像表於卷首使人人開
卷肅然想象高標後之慕餘風而興起者挹金
烏而思先生之峻節閱行狀而景先生之實行
則庶不負尹侯之意而於扶世激慚之方豈曰
小補也哉萬曆元年癸酉夏鄉人完山後學崔
應龍謹跋

張顯光
志

昔韓文公退之頌伯夷曰昭乎日月不足爲
明舉乎泰山不足爲高巍乎天地不足爲容
夫明莫明於日月高莫高於泰山容莫容於
天地也而人之清聖有伯夷焉則日月之明
泰山之高天地之容皆歸爲不足是伯夷之
義明於日月伯夷之節高於泰山伯夷之道
爲天地所不能容得者爾若非特立獨行能
當是言耶非山斗筆力能形容至此耶故後
人覩其文者自不暇於贊歎未有以爲過論
矣然則論吾東節義者乃以治隱先生爲東

張顯光
志

方之伯夷惟知伯夷者可以知先生矣于今
日月之明如古也泰山之高如古也天地之
容如古也愚夫愚婦皆得而仰之仰之者有
以想夫其所不足爲明不足爲高不足爲容
之氣象則伯夷之所以窮天地亘萬世而不
顧之旨仍可得以認之矣蓋先生之義即伯
夷之義也先生之節即伯夷之節也謂之東
方之伯夷不爲可乎聞中夏之慕節義者刻
砥柱中流四大字於夷齊廟之下抗流之石
而又吾東之慕節義者摹其四字立碣刻揭

于先生墓下洛江之岸則誠以立天下之大
閑存萬世之綱常者中夏而伯夷我東而先
生也誠以秉彝之天亦與天地日月泰山同
其不墜而無古今無夷夏好德之心不能爲
之熄滅者也嗚呼世既曠矣其儀範光輝雖
莫得而邂逅幸其遺文餘語有或傳於世者
則其所以誦詠而感發焉者又可已耶先生
之製述多寡今不可知而久遠散失之餘得
傳者無幾凡詩文若干篇與行狀及前後諸
人贊詠合爲一冊者曾已印行而比於兵火

張顯光
志

之日并失焉今者先生六代孫興先宗先等
求得其一件於僅存者謀復刊布冀永其傳
又以

列聖賜祭之文及金馬吳山兩書院創設事證
俱載於中下兩篇錄訖遂欲略叙其重刊之
意置諸卷末噫先生之高義大節有諸人之
詞裒在卷中足以傳焉就誦昌黎頌伯夷之
言而申之抑有重感歎者吾儕所宜致思焉
竊讀狀行之文先生忠義實本於孝友之道
古今孰有無孝友於家而能忠義於國者乎

伯夷亦嘗守父命於孤竹者也吾黨或過先生之所過於一家其果能一如先生之自盡者乎讀其書誦其詩慕其節義而若不能各反吾身而感奮焉雖讀誦何益哉又豈刊行是冊者之望哉萬曆乙卯五月丙午玉山張

顧光志

治隱先生言行拾遺卷下



